



CONCELLO DE LALÍN
www.lalin.gal



asociación
española
contra o cancro

**CONVENIO DE COLABORACIÓN ENTRE O CONCELLO DE LALÍN
E A ASOCIACIÓN ESPAÑOLA CONTRA EL CÁNCER (A.E.C.C.) PARA
A POSTA EN MARCHA DUN PUNTO DE INFORMACIÓN E
ATENCIÓN A PACIENTES E FAMILIARES**

Lalín, a 14 de febreiro de 2022

REUNIDOS

Dunha parte, D. José Crespo Iglesias, Alcalde do Concello de Lalín, designado na sesión do Pleno da Corporación do 15 de xuño de 2019 na súa condición de alcalde de acordo co artigo 21 da Lei 7/1985, de 2 de abril, reguladora das bases do réxime local, en representación do Concello de Lalín.

E doutra D^a. María del Carmen Abeledo Márquez con DNI 35*****6Z presidenta da delegación de Pontevedra da Asociación Español contra el Cáncer, con CIF G28197564 e domicilio en Rúa Augusto González Besada, nº 9 – Entresuelo – Pontevedra, segundo o disposto no artigo 35 dos seus Estatutos.

EXPOÑEN

PRIMEIRO.-

O artigo 4.2 do Estatuto de autonomía de Galicia atribúelle aos poderes públicos de Galicia a promoción das condicións necesarias para que a liberdade e a igualdade dos individuos e dos grupos nos que se integran sexan reais e efectivas, removendo os obstáculos que impidan ou dificulten a súa plenitude.

SEGUNDO.-


O marco competencial municipal, fundaméntase no artigo 25 da Lei 7/1985, de 2 de abril, Reguladora das Bases do Réxime Local, que tras e entrada en vigor da Lei 27/2013, de 27 de decembro, de racionalización e sostibilidade da administración local, queda redactado como segue: *“1.- O municipio, para a xestión dos seus intereses e no ámbito das súas competencias, pode promover actividades e prestar servizos públicos que contribúan a satisfacer as*

Concello de Lalín


Praza de Galicia, 1, Lalín. 36500 Pontevedra. Tfno.
986787060. Fax: 986780638




asociación
española
contra o cancro



J. Crespo Iglesias





necesidades e aspiracións da comunidade veciñal nos termos previstos en este artigo.

2.- O municipio exercerá en todo caso competencias propias no termos da lexislación do Estado e das Comunidades, nas seguintes materias ; e) avaliación e información de situacións de necesidade social e atención inmediata a persoas en situación ou risco de exclusión social....”

Á súa vez o artigo 27 da LRBRL, segundo a redacción dada pola citada Lci, establece a posibilidade de que a Administración do Estado e as Comunidades Autónomas, poidan delegar entre outras a seguinte competencia: “c) *Prestación de servizos sociais, promoción da igualdade de oportunidades e a prevención de violencia contra a muller.*”

A Disposición Adicional Cuarta da Lei 5/2014, do 24 de maio, de medidas urgentes derivadas da entrada en vigor da Lei 27/2013, do 27 de decembro, de racionalización e sostibilidade da Administración Local, establece que “*as competencias que debe asumir a Administración da Comunidade Autónoma de Galicia en materia de servizos sociais en cumprimento das disposicións da Lei 27/2013 continuarán sendo prestadas polos municipios mentres non se dean as condicións previstas para o seu traspaso na normativa básica e, en particular, o establecemento do novo sistema de financiamento autonómico e das facendas locais previsto nela*”.

TERCEIRO.-

A Lei 13/2008, do 3 de decembro, de servizos sociais de Galicia, no seu artigo 3, establece como un dos obxectivos do Sistema galego de servizos sociais o de garantir a vida independente e a autonomía das persoas en situación de dependencia.

CUARTO.-


A Lei 13/2008 de servizos sociais de Galicia no seu artigo 60 dentro do título VII denominado “Da atribución de competencias” regula a competencia dos concellos en servizos sociais, establecendo no 60.1 apartado b) a competencia:

“a creación, a xestión, e o mantemento dos servizos sociais comunitarios específicos, sen prexuízo do establecido no artigo 59 i)”


Entendendo por funcións dos servizos sociais comunitarios específicos, entre

Concello de Lalín

Praza de Galicia, 1, Lalín. 36500 Pontevedra. Tfno.
986787060. Fax: 986780638




[Firma manuscrita]





CONCELLO DE LALÍN
www.lalin.gal



outras, a programas e actividades para previr a exclusión de grupos vulnerables de características homoxéneas e facilitar a súa inserción e normalización social.

QUINTO.-

De acordo co artigo 3.3.b) da Lei 5/2014, de 27 de maio, de medidas urxentes derivadas da entrada en vigor da Lei 27/2013 este convenio non se entende como exercicio de unha nova competencia posto que supón a continuidade de actividade de fomento xa establecida en exercicios anteriores .

SEXTO.-

A Asociación española contra el cáncer (AECC) é unha entidade sen ánimo de lucro creada no ano 1953 e declarada de utilidade pública en 1970. É unha entidade prestadora de servizos sociais recoñecida e inscrita no réxistro correspondente da Xunta de Galicia co número E-779.

SÉTIMO.-

O Concello de Lalín ten competencias para subscribir convenio coa entidade Asociación española contra el cáncer (AECC) en virtude do artigo 47.2.c) da Lei 10/2015, do 1 de outubro do Réxime Xurídico do Sector Público.

OITAVO.-

O Concello de Lalín, a través da Concellería de Política Social, procurará a coordinación efectiva cos distintos sistemas de benestar e protección social que actúen no noso territorio, así como coas entidades de iniciativa social autorizadas que poidan complementar a nosa actuación. As asociacións constitúen un fenómeno solidario e político como tendencia natural das persoas e como instrumento de participación con respecto ao cal os poderes públicos non poden permanecer alleos.

Polo exposto en puntos anteriores, e no exercicio das competencias que lles son propias, ambas partes expresan o seu interese en establecer o presente convenio que se rexerá polas seguintes

Concello de Lalín

Praza de Galicia, 1, Lalín. 36500 Pontevedra. Tfno.
986787060. Fax: 986780638



asociación española
contra el cáncer
en Pontevedra
CIF: G-28/197564
Eduardo Pondal, 64 A - Bajo
36003 Pontevedra
pontevedra@contraelcancer.es
asociacioncontraelcancer.es

C. A. ...

CLÁUSULAS

PRIMEIRA.- OBXECTO.

O presente Convenio ten por obxecto a cesión de uso gratuíto de espazo á Asociación Española contra el Cáncer (AECC) para establecer un punto de información e atención a pacientes enfermos/as de cancro e aos seus/súas familiares.

SEGUNDA.- NORMATIVA.

- Lei Orgánica 1/1981, de 6 de abril, de Estatuto de Autonomía para Galicia.
- Lei Orgánica 16/1995, de 27 de decembro, de 1995 de Transferencia de Competencias á Comunidade Autónoma Galega.
- Lei 7/1985, do 2 de abril, reguladora das bases de réxime local.
- Lei 5/1997, do 22 de xullo, de Administración local de Galicia
- Lei 13/2008, do 3 de decembro, de Servizos Sociais de Galicia.
- Lei 39/2015, do 1 de outubro, do Procedemento Administrativo Común das Administracións Públicas.
- Lei 40/2015, do 1 de outubro, de Réxime Xurídico do Sector Público.
- Decreto 99/2012, do 16 de marzo, polo que regulan os servizos sociais comunitarios básicos e o seu financiamento.
- Real Decreto 1372/1986, do 13 de xuño, polo que se aproba o Regulamento de Bens das Entidades Locais.
- Real Decreto 1639/1996, de 5 de xullo, sobre traspaso de funcións e servizos da Administración do Estado á Comunidade Autónoma de Galicia en materia de asociacións.
- Real Decreto 1080/2008, do 30 de xuño, sobre ampliación de funcións da Administración do Estado traspasadas á Comunidade Autónoma de Galicia, en materia de asociacións: Declaración de utilidade pública das asociacións e aplicación dos beneficios fiscais.

asociación española
contra el cáncer
en Pontevedra

CIF: G-28/197564
Eduardo Pondal, 64 A - Bajo
36003 Pontevedra
pontevedra@contraelcancer.es
asociacioncontraelcancer.es

TERCEIRA.- CONTIDO DO PROGRAMA E ACTUACIÓN A DESENVOLVER.

Posta en marcha dun punto de información, atención a pacientes enfermos/as de cancro e atención aos seus/súas familiares.

Concello de Lalín

Praza de Galicia, 1, Lalín. 36500 Pontevedra. Tfno.
986787060. Fax: 986780638




CONCELLO DE LALÍN
www.lalin.gal



CUARTA.- OBRIGAS DE A.E.C.C.

- Cumprimento das actividades descritas na cláusula anterior.
- Utilizar os espazos cedidos para os fins indicados e acordos coa misión da organización. A estes efectos comunicárase coa suficiente antelación ao Concello a programación dos servizos e demais actividades que se realicen, de cara a non interferir na programación do propio Concello.
- Dotar de medios persoais e materiais axeitados para cumprir cos fins da cesión e colaboración subscrita, e cumprir coa normativa laboral e de prevención de riscos laborais e demais normativa de aplicación ás actividades que se desenvolven nas citadas dependencias.
- Facilitar a actuación do persoal técnico do Concello no referente ao seguimento das actividades obxecto do convenio.
- Remitir aos servizos sociais comunitarios básicos informes de seguimento en relación ás persoas con expediente aberto en Servizos Sociais Comunitarios Básicos, en caso de que sexa requirido por estes, a efectos da intervención técnico profesional que asegure un correcto seguimento de cada caso.
- Realización de actividades de prevención e sensibilización tales como e sen carácter exhaustivo: campaña de prevención do cancro colo-rectal, día mundial contra o cancro de mama, día mundial sen tabaco, outras accións de prevención e sensibilización.....
- Conservar e usar dilixentemente as dependencias cedidas, respondendo dos danos que poidan ocasionar os seus ocupantes, tendo a obriga de comunicar ao Concello toda alteración, deterioro ou modificación producida ás mesmas á maior brevidade.
- Non realización de obras nin modificacións das dependencias cedidas.
- Facer constar en todo tipo de publicidade e información que se realice en desenvolvemento deste programa, a participación e colaboración co Concello de Lalín.
- Cumprir o Regulamento U.E. 2016/679 do Parlamento Europeo e do Consello do 27 de abril de 2016 relativo á protección das persoas físicas no que respecta ao tratamento de datos persoais e á libre circulación de estes datos, e a Lei Orgánica 3/2018, do 5 de decembro, de protección de datos persoais e garantía dos dereitos dixitais.



[Firma manuscrita]


Concello de Lalín

Praza de Galicia, 1, Lalín. 36500 Pontevedra. Tfno.
986787060. Fax: 986780638





CONCELLO DE LALÍN
www.lalin.gal



QUINTA.- OBRIGAS DO CONCELLO DE LALÍN.

- Cesión de uso gratuito de espazo un día por semana. O horario será determinado e consensado entre a Concellería de Política Social e AECC en función da demanda e necesidades dos/as pacientes e familiares atendidos/as. O espazo estará ubicado nas instalacións do Lalín Arena sen prexuízo de que, por necesidades do Concello, á Asociación se lle ceda outro espazo diferente.
- Os gastos de subministrados e servizos (internet, enerxía eléctrica, auga, calefacción e limpeza) que se puideran orixinar pola cesión de uso gratuito de este espazo.
- Derivación de persoas usuarias.
- Colaboración do persoal técnico do Concello con AECC no desenvolvemento dos programas en caso de estimarse necesario.
- Os recursos de apoio necesarios a nivel divulgativo para que as actividades acaden a maior participación posible (medios de comunicación propios como web, redes sociais, e difusión en medios externos locais/comarcais).

SEXTA.- NATUREZA.

Este Convenio ten unha natureza puramente de colaboración, alianza e cooperación social, polo que non se pode referir a este Convenio ningunha natureza laboral, mercantil, civil ou de calquera outra clase xurídica.

A subscripción do presente convenio non implicará relación laboral, ou de calquera outra natureza, entre as persoas ou profesionais que desenvolvan as actividades que constitúen o obxecto deste convenio co Concello de Lalín, de tal xeito que, por este concepto, non se lle poderá esixir ao Concello responsabilidade algunha, nin directa nin subsidiaria.




Polo que A.E.C.C. obrígase a ter suficientemente cuberto, coas pólizas e seguros que foran precisos, ao persoal que realice estas tarefas de colaboración, sen que o Concello teña ningunha obriga ao respecto, nin de aboar cantidade algunha para cubrir calquera risco.

SÉTIMA.- FINANCIAMENTO.

Este convenio non comporta achegas económicas xa que o custo das actividades que se desenvolvan dentro do mesmo serán asumidas no marco dos recursos propios de cada entidade asinante, tanto no relativo a custos de infraestruturas como de recursos humanos.

Concello de Lalín

Praza de Galicia, 1, Lalín. 36500 Pontevedra. Tfno.
986787060. Fax: 986780638



E. A. B. B. B.



OITAVA.- MODIFICACIÓN DO CONVENIO.

A modificación do convenio requirirá o acordo unánime das partes asinantes.

NOVENA.- COMISIÓN DE SEGUIMIENTO.

As partes poderán acordar a creación dunha Comisión Mixta de seguimento e control da execución do presente convenio, formada por representantes de cada unha das entidades asinantes.

Dita Comisión terá competencia, no seu caso, aos efectos de interpretación e control de execución do mesmo.

DÉCIMA.- ENTRADA EN VIGOR E PRAZO DE VIXENCIA.

Este convenio entrará en vigor no momento da súa sinatura.

O prazo de duración do convenio será de catro anos a contar dende o día seguinte a súa sinatura. En calquera momento antes da finalización do prazo previsto, as partes asinantes poderán acordar a súa extinción.

UNDÉCIMA.- RESOLUCIÓN.

Son causas de resolución do presente convenio:

- O acordo unánime das partes asinantes.
- Incumprimento das obrigas e compromisos asumidos por parte de algún/algunha das asinantes.
- Por decisión xudicial declaratoria de nulidade do convenio.
- Por calquera outra causa distinta establecida na normativa en vigor.

DO DÉCIMA.- RÉXIME XURÍDICO.

Este presente convenio ten carácter administrativo e as lagoas ou diverxencias que puideran apreciarse na súa aplicación interpretaranse e resolveranse motivadamente polo Concello de Lalín, previo ditame non vinculante da comisión á que fai referencia a cláusula novena. Contra estas resolucións e polo carácter administrativo deste convenio, poderanse interpor os oportunos recursos contencioso – administrativos.

As cuestións litixiosas xurdidas da aplicación do presente Convenio, non resoltas en vía administrativa, serán resoltas pola Xurisdición Contencioso-Administrativa.

DÉCIMO TERCEIRA.- PROTECCIÓN DE DATOS PERSOAIS.

A.E.C.C. e o Concello de Lalín comprométese a cumprir o Regulamento U.E. 2016/679 do Parlamento Europeo e do Consello do 27 de abril de 2016 relativo á

Concello de Lalín


Praza de Galicia, 1, Lalín. 36500 Pontevedra. Tfno.
986787060. Fax: 986780638



asociación española
contra el cáncer
en Pontevedra
CIF: G-28/197564
Eduardo Pondal, 64 A – Bajo
36003 Pontevedra
Pontevedra@contraelcancer.es
asociacioncontraelcancer.es



CONCELLO DE LALÍN
www.lalin.gal



protección das persoas físicas no que respecta ao tratamento de datos persoais e á libre circulación de estes datos, a Lei Orgánica 3/2018, de 5 de decembro, de protección de datos persoais e garantía dos dereitos dixitais.

E, en proba de conformidade cos termos do convenio, as partes comparecentes asinan e rubrican por triplicado exemplar, no lugar e data indicados no encabezamento.

CONCELLO DE LALÍN



O Sr. Alcalde
José Crespo Iglesias

Delegación de Pontevedra da A.E.C.C.



A Sra. Presidenta
M^a Carmen Abeledo Márquez



Concello de Lalín

Praza de Galicia, 1, Lalín. 36500 Pontevedra. Tfno.
986787060. Fax: 986780638

